

ՌՈՒՍԱՍՏԱՆԻ ՕԳՆՈՒԹՅՈՒՆԸ ԱՐԵՎՄՏԱՀԱՅ ԳԱՂԹԱԿԱՆՆԵՐԻՆ
(1895—1900)

Պ. Ս. ՄԻՄՈՆՅԱՆ

1895—1896 թթ. կոտորածների հետևանքով շարդերից մազապուրծ հազարավոր արևմտահայեր թողեցին իրենց բազմադարյան հայրենիքը և տարադրվեցին այլ երկրներ։ Ամենից առաջ նրանք դիմեցին դեպի Ռուսաստան, որը դարեր շարունակ թուրքական բռնակալական դաժան լծի տակ տառապող հայ ժողովրդի կողմից դիտվել է որպես փրկության հանգրվան։

Ընդհուպ մինչև XIX դ. վերջին քառորդը ցարիզմը կայսրության սահմանն անցած արևմտահայերին տալիս էր բնակության տեղ, ինչպես նաև հատկացնում էր որոշակի հողակտոր¹։ Չնայած 90-ական թվականներին Մերձավոր արևելքում ցարիզմի՝ ռազմաքաղաքական շահերով թելադրված քաղաքական նոր ուղղության ձրգեղումից հետո աստիճանաբար սահմանափակվեց, իսկ հետո արևմտահայերին իսպառ արգելվեց բնակություն հաստատել կայսրության տարածքներում, այնուամենայնիվ, 1894—1896 թթ. Արևմտյան Հայաստանում հայկական կոտորածների եռուն շրջանում Կովկասի իշխանություններն անկարող էին ռուսական սահմանները փակել գաղթականների առջև։ Ռուս սահմանապահ զինվորները, անկարող լինելով աչքերը փակել տեղի ունեցող կոտորածների առջև, հաճախ իշխանություններից գաղտնի թույլ էին տալիս հայերին պատսպարվելու ռուսական սահմաններում²։

Իշխանությունները ստիպված էին մտահոգվել տասնյակ հազարավոր արևմտահայ գաղթականների ճակատագրով։ Կենտրոնական կառավարությունը հարկադրված եղավ գաղթականների օգնության խնդիրը դարձնել կառավարական հատուկ վերաբնակեցման հանձնաժողովի քննության առարկա³։ Որոշվեց նրանց բնակության տեղ հատկացնել կայսրության ներքին նահանգներում՝ առանց անշարժ գույքի իրավունքի⁴։ Հարավային Ռուսաստանում՝ Ղրիմում, Օդեսայում, Նովոռոսիյսկում, ինչպես նաև Հյուսիսային Կովկասում վաղուց ի վեր հիմնված հայկական գաղթօջախները համարվեցին հազարավոր գաղթականներով⁵։

Չնայած ցարիզմը 1898 թ. հատուկ քաղաքական շահերից ելնելով, օրենք ընդունեց արևմտահայ գաղթականներին իրենց նախկին վայրերում վերաբնակեցնելու մասին, գաղթականների մեծ մասն ընդունեց ռուսահպատակություն և մշտական բնակություն հաստատեց Ռուսաստանում։

Ռուսական հասարակայնության լայն խավերը, խորապես մտահոգված լինելով տարաբախտ արևմտահայության ճակատագրով, Ռուսաստանի սահմանն անցած հայ գաղթականներին ցույց էին տալիս բարոյական և նյութական լայն օգնություն։ Ռուս առաջադեմ մտավորականները՝ գրողներ, գիտնականներ, արվեստադեմոստեր, հրապարակախոսներ, հանդես եկան հոգևածներով, գիտական ուսումնասիրություններով ու գեղարվեստական ստեղ-

¹ Архив внешней политики России (այսուհետև (АВПР), ф. Политархив, д. 3441, т. 308.

² Новое обозрение. 1897, № 4353.

³ С. Петербургские ведомости, 1897, № 32.

⁴ ՀՀ ԳԱԱ պատմության ինստիտուտի արխիվ, Լեռնի ֆոնդ, ց. 1, գ. 269, թ. 361.

⁵ Мир божий, 1899, кн. 9, с. 21, տե՛ս նաև Вестник Европы, 1898, кн. 11, с. 852.

ծագործություններով, որոնց մեջ բարձր էին գնահատում հայ ժողովրդի խոշոր ներդրումը համաշխարհային մշակույթի մեջ և իրենց ընթերցողներին բերում այն համոզմանը, որ հին, տաղանդավոր ու ազատաբաղձ հայ ժողովրդին ռուս հասարակությունը պետք է վերաբերվի ջերմությամբ և ցույց տա գործուն օգնություն: Ռուս առաջագիծ գործիչներին մտահոգում էր արևմտահայության օրհասական վիճակը, ուստի, կոչ էին տնում «օգնության ձեռք մեկնել հայ ժողովրդին»⁶:

Ռուսաստանի սահմաններն անցած արևմտահայ գաղթականներին նյութական օգնություն ցույց տալու կոչին արձագանքեցին հասարակայնության բազմաթիվ ներկայացուցիչներ՝ գրողներ, գիտնականներ, արվեստագետներ, ուսուցիչներ, ուսանողներ, բանվորներ, գյուղացիներ, պետական ծառայողներ: Տարաբախտ հայ գաղթականների պաշտպանությամբ ռուս հասարակայնությանն ուղղված օգնության կոչով հանդես եկավ «Ս. Պետերբուրգսկիե վեդոմոստի» լրագիրը: Նրա խմբագիր է. Ուստոմսկին այդ մասին գրում էր. «Մեզ մոտ վերին աստիճանի լուրջ խնդիր է «գաղթականության խնդիրը», այն է՝ Թուրքիայից փախած այն թշվառների վիճակի խնդիրը, որոնք, փախչելով մոլեռանդ թուրքերի ու քրդերի ձեռքից, պաշտպանություն և ապաստան են որոնում Ռուսաստանի սահմաններում: Քրիստոնյա մեծ պետությունը թուրքահայերը վաղուց սովորել են նայել որպես իրենց վաղեմի պաշտպանին, — շարունակում էր նա, — այդ բանի պարզ ապացույցը այն ոգևորված ընդունելությունն է, որ ազգաբնակչության կողմից ռուսական զորքին ցույց էր տրվում ամեն անգամ, երբ նա մտնում էր որևէ քաղաք կամ գյուղ՝ վերջին ռուս-թուրքական պատերազմի ժամանակ: Չի կարելի առանց խորին ցավակցության նայել այդ հիվանդ, սննդի պակասությունից ու երկար, հոգնեցուցիչ ճանապարհորդությունից հյուծված, անտուն, անտեր թափառականների վրա, մանավանդ, եթե նկատի ունենանք, որ այդ արարածները տանջվում են միայն նրա համար, որ դժբախտություն են ունեցել քրիստոնյա լիներալ»⁷: «Ս. Պետերբուրգսկիե վեդոմոստի» լրագիրը կոտորածից հետո մնացած հայ որբ ու անպաշտպան մանուկների դժբախտ կյանքին անդրադառնալով, մարդկային սիրտը մորմոքող տողեր էր գրում նրանց մասին: «Ի՞նչը կարող է ավելի ծանր և անուրախ լինել նման թշվառ ճակատագրից: Ի՞նչը կարող է ավելի տխուր և թախծալի լինել, — հարց էր տալիս թերթը, — երբ տարաբախտ փոքրիկները, վաղ մանկությունից կորցնելով հայրերին ու մայրերին, զրկվելով նրանց նուրբ փաղաքշանքից՝ ու հոգատարությունից՝ հարկադրված են ընդառաջ գնալ առօրեական զանազան ստախոսությունների և ապրել բարի մարդկանց պատահական ողորմածություններով»⁸: Հոգվածագիրը ռուսական հասարակության ուշադրությունն է հրավիրում այն փաստի վրա, որ շուրջ 400.000⁹ հայ որբեր այժմ հանձնված են դաժան բախտի քմահաճույթին: «Բարի և մեծահոգի Ռուսիա, — գրում էր նա, — մի՞թե կարող ես լուռ մնալ և օգնության ձեռք չպարզել»¹⁰:

Մերկացնելով մեծ տերությունների դադուկային գիշատիչ քաղաքականությունը, հոգվածագիրն իր ղարույթը ուղղում է նրանց գործակալ միսիոներների դեմ, որոնք, կեղծ մարդասիրական դեր ստանձնելով, հայ որբերին կտրում էին իրենց մայր ժողովրդից¹¹: Նա ուրախությամբ է արձանագործում այն փաստը, որ Ռուսաստանի սահմանն անցած հայ որբերն ապրում են ապահով և երաշխավորված են կրոնական բռնության վտանգից¹²:

⁶ Ф. Волховский, Почему армяне бунтуют, Женева, 1905, с. 22.

⁷ С. Петербургские ведомости, 1896, № 272.

⁸ Նույն տեղում:

⁹ Նույն տեղում:

¹⁰ Նույն տեղում:

¹¹ Նույն տեղում:

¹² Նույն տեղում:

Հայ գաղթականներին օգնելու նպատակով ռուս առաջագիծ մտավորականները կաղմակերպում էին հրապարակային դասախոսություններ, թատերական ներկայացումներ, հիմնում հայ-ռուսական ընկերություններ: 1895 թ. գրող Ա. Միկլաշևսկին Ս. Պետերբուրգում հանգես եկավ հայ ժողովրդին և վիրվաթ երկու դասախոսությամբ: Այդ մասին «Արաքսը» գրում էր. «Հայ ընթերցող հասարակությանը ծանոթ երիտասարդ ռուս ճանապարհորդ և զրոգ պ. Ար. Միկլաշևսկին այս տարի երկու անգամ դասախոսություն արեց տաճկահայոց մասին իր վերջին երկու անգամ արած ճանապարհորդությունների մասին ի Փոքր Ասիա: Առաջին անգամ դասախոսեց գարնանը կայսերական աշխարհագրական ընկերության դահլիճում, իսկ երկրորդ անգամ՝ նոյեմբերի 4-ին՝ Տնտեսագիտաց ժողովում»¹³: Ռուս հասարակության նյութական օգնությունն արևմտահայ գաղթականներին սկսվեց վերջիններիս՝ ռուսական սահմանը անցնելու առաջին օրվանից, երբ ռուսական լրագրերում տպագրվեցին նրանց՝ օրհասական դրության մասին առաջին հոգևածները: «Ռուսսկիե վեդոմոստի» լրագիրը գրում էր. «Մեր թերթերում գաղթականների մասին եղած հայտարարությունը շուտով արձագանքվեց յարոսլավցի մի ուսուցչուհու հոգում, որը շտապեց իր ավանդը ներդնել մահմեդական մուսուլմաններին դո՛հ դարձած դժբախտ հայերի օգնության գործում»¹⁴: Նրա օրինակին հետևեց մոսկվացի մի ուսանող, որն իր շնչին միջոցներից որոշակի գումար տրամադրեց հայ գաղթականներին¹⁵:

Անդրկովկասի մի շարք քաղաքներում՝ Թիֆլիսում, Բաթումում, Երևանում կաղմակերպվեցին գաղթականների օգնության ընկերություններ, նրանց համար հիմնվեցին ապաստարաններ¹⁶:

Նշանավոր հրապարակախոսներ Վլ. Գումստրեմը, Մ. Մենշիկովը, Գամման շտապեցնում էին օգնության գործը: «Մինչև երբ սպասել, ժամանակն է օգնություն ցույց տալ տանջվող հայերին, — գրում էր «Ռուսսկի լիստոկը»¹⁷: «Ռուսսկիե վեդոմոստի» լրագիրը առաջարկում էր ավելի գործուն օգնություն ցույց տալ խորապես դժբախտ տառապյալներին¹⁸: Արևմտահայ գաղթականներին նյութական ու բարոյական օգնություն ցույց տալու անհրաժեշտությունն է նվիրված «Նեդելյա» լրագրում տպագրված՝ Մ. Մենշիկովի հոդվածը: Նա կարծում էր, որ էականն այն չէ, թե որքան է օգնության համար հատկացված դրամարը, այլ այն, որ ռուս ժողովրդի մեջ ձևավորվում է համակրանքի ու կարեկցանքի, տառապյալ հայ գաղթականներին նյութական օգնության ցուցաբերելու ղգացում¹⁹: Պարզաբանելով Ռուսաստանի՝ դեպի Փոքր Ասիա ունեցած առաջնթացը, նրա հետապնդած նպատակներն ու Անդրկովկասի սահմանների ապահովության հարցը, ինչպես նաև ռուս-թուրքական պատերազմների ընթացքում ռուսական բանակներին արևմտահայերի մատուցած ծառայությունները, «Բիրոժնիե վեդոմոստի» լրագիրը նշում էր. «Ռուսաստանի շահերը պահանջում են, որ նրա սահմանների մոտ տեղի չունենան արդյունաբերության ու առևտրի հաջողություններին խոչընդոտող կոտորածներ ու կողոպուտներ: Պատմական պատգամները ռուս ժողովրդին թույլ չեն տալիս անտարբերությամբ վերաբերվել քրիստոնյաների նկատմամբ կիրառվող բռնություններին»²⁰:

¹³ Արաքս, 1894—1895, գիրք Ա, էջ 238:

¹⁴ Русские ведомости, 1826, № 158.

¹⁵ Հայաստանի Հանրապետության պատմության պետական կենտրոնական արխիվ (այսուհետև՝ ՀՀ ՊՊԿԱ), ֆ. 28, ց. 1, գ. 357, ք. 21:

¹⁶ Тифлисский листок, 1897, № 9, նաև Մշակ, 1897, քիվ 9:

¹⁷ Тифлисский листок, 1897, № 66.

¹⁸ Сибирский вестник, 1897, № 29.

¹⁹ Неделя, 1897, № 118.

²⁰ Биржевые ведомости, 1836, № 261.

Հրապարակախոս Գամմայի հոգովածները ռուս ժողովրդին մղում էին հա-
րևան քրիստոնյա ժողովուրդներին ակտիվ նյութական ու բարոյական օգնու-
թյուն տալուն, քննադատում էին պաշտոնական շրջանների կողմից հայ ժո-
ղովրդի դեմ կատարած անարդարացի հարձակումները²¹։ Մատնադույց անե-
լով հայերին օգնելու նպատակով Արևմտյան Հայաստանում ստեղծված ըն-
կերությունները, նա ռուսական պետությանն ու հասարակությանը կոչ էր
անում հետևել նրանց մարդասիրական օրինակին²²։ «Մի՞թե մոռանում ենք
մեր դրացի, մեզ միշտ բարեկամ հայերին»²³,—գրում էր «Ռուսակոյն սլովո»
լրագիրը,—որոնք մշտապես իրենց փրկության հույսը կապում էին Ռուսաս-
տանի հետ»²⁴։ Որևա ականավոր գեղանկարիչ Վ. Վերեշչագինը «Բիրժեվիե
վեդոմոստի» լրագրին հղած նամակում, հույս էր հայտնում, որ Եվրոպայում
1897 թ. հուլյն-թուրքական պատերազմի ավարտից հետո հաստատված խա-
ղաղությունը մեծ տերությունները կօգտագործեն թուրքահայատակ քրիստոն-
յա ժողովուրդների վիճակը բարվոքելու նպատակով²⁵։

Արևմտահայության օգնության կանչին էր արձագանքում «Նովոստի»
լրագիրը. «Հայերը տանջվում ու տառապում են թուրքական բռնակալությու-
նից, և ողջ քրիստոնեական Եվրոպայի սրբազան պարտքը պահանջում է, որ
հայ ազգաբնակչությանը տրվի հնարավոր օգնություն ու հովանավորու-
թյուն»²⁶։

Անկախ այն բանից, թե ցարիզմը իր ռազմաքաղաքական շահերից ել-
նելով դարի 90-ական թվականներին արևմտահայության հարցում էինչպիսի-
սի ուղեգիծ էր վարում, Արևմտյան Հայաստանում, ինչպես նաև Թուրքիայի
մի շարք քաղաքներում հաստատված ռուսական հյուպատոսությունները օգ-
նում էին հայերին, նրանց տալիս ապաստարան, տրամադրում նյութական
միջոցներ, միջնորդում թուրքական իշխանությունների առջև՝ փրկելով նրանց
կյանքը։ 1895 թ. էրզրումում տեղի ունեցած զանգվածային կոտորածի ըն-
թացքում, ռուսական հյուպատոսը հայերին ցույց էր տալիս բժշկական օո-
նություն²⁷։ Վանի լիոնհյուպատոս Մանսկին օգնում էր ջարդերից փրկված
հայերին ապահով տեղափոխվելու Ռուսաստանի անդրկովկասյան սահման-
ները²⁸։ Ռուսական դեսպանատները հայերի համար հաճախակի վերածվում
էին ապաստարանի²⁹։ 1895 թ. հոկտեմբերին Տրապիզոնի ջարդերի վերաբեր-
յալ ղեկուցադրում Նելիդովը հայտնում էր, որ ռուսական հյուպատոսարանը
լեփ-լեցուն է եղել հարևան տներից ու թաղերից փախած ընտանիքներով,
որոնց մի մասը շատ օրեր անցկացրել է Տրապիզոնի նավահանգստում խա-
րըսխված «Աղով» նավում³⁰։ Տրապիզոնի ռուսական հյուպատոսը կոտորա-
ծի ժամանակ «Աղով» նավը մոտեցրեց ափին, ուր պատսպարվեցին տասնյակ
հայ ընտանիքներ, որոնք հետո Նույն նավով տեղափոխվեցին Օդեսա³¹։ Իսկ
1896 թ. Կ. Պոլսում սեպտեմբերի 14-ի և 17-ի ահավոր ջարդերի ժամանակ
«Ռուսաշ դեսպանատան» հյուպատոսարանի և շոգենավային ընկերության շի-
նություն մեջ ապաստարան գտնողների թիվը հասնում էր 600-ի»,—գրում էր
«Մշակ»-ը³²։ Զարդերից մազապուրծ հայերը «ռուսական դեսպանության

²¹ Նույն տեղում, 1896, թիվ 280։

²² Նույն տեղում, 1896, թիվ 86։

²³ Русское слово. 1896, № 88.

²⁴ Биржевые ведомости, 1896, № 291.

²⁵ Նույն տեղում, 1897, № 198։

²⁶ Новости, 1896, № 242.

²⁷ Лур, 1896, № 22.

²⁸ Մշակ, 1896, թիվ 120։

²⁹ Մշակ, 1896, թիվ 10։

³⁰ АВПР, ф. Политархив, д. 3433, л. 63—66. д. 3449, л. 184.

³¹ Неделя, 1895, № 41.

³² Մշակ, 1896, թիվ 109։

միջնորդությամբ ստացան բնակության տեղ և ապրում էին բոլորովին ապահով՝ Ռուսաստանի դրոշի հովանու տակ»³⁸։

Թուրքիայում ռուսական դեսպան Ի. Ա. Զինովևը, ինչպես նաև մյուս ծառայողները արևմտահայության օգնության ֆոնդին տրամադրեցին նյութական, միջոցներ³⁹։ Ա. Ի. Զինովևը մեծ ձեռներեցություն ցուցաբերեց «Բրատսկայա պոմոշչ»-ի խմբագրության տրամադրած միջոցներով հայ որբերի համար Արևմտյան Հայաստանում ապաստարաններ հիմնելու գործին⁴⁰։

Ռուսաստանի սահմանն անցած հազարավոր բոկոտն, քաղցած, անտուն և աղիվակներին օգնության ձեռք մեկնեց ռուս ժողովուրդը։ Այնքան հզոր ու ազդու էր ժողովրդական ձայնը, որ ցարիզմը 1896 թ. դեկտեմբերի 11-ին հարկադրված հատուկ հրամանագիր հրապարակեց գաղթականությանը նյութական օգնության նպատակով հանգանակություն սկսելու վերաբերյալ⁴¹, իսկ հետագայում Արևմտյան Հայաստանում համաճարակների տարածման ժամանակ հայերին օգնելու համար այնտեղ գործուղվեց հատուկ բժշկական հանձնաժողով՝ Յու. Զավրիևի գլխավորությամբ⁴²։ Ռուսական Կարմիր խաչի ընկերությունը Հայաստանում բացեց արևմտահայ գաղթականների օգնության հատուկ բաժանմունքներ, ապաստարաններ, որբանոցներ, որտեղ իրենց հողատար աշխատանքով աչքի ընկան բուժքույր Ե. Մ. Կուլեսնիկովան և բուժակ Պ. Բոգոլևն⁴³։ Շուտով Իզմիրում բժշկ Զելյադինսկու ղեկավարությամբ բացվեց գաղթականների նոր հիվանդանոց⁴⁴։

«Անդրկովկասի որոշ վայրերում տեղական իշխանությունները նույնպես հնարավոր օգնություն են ցույց տվել գաղթականներին,—գրում էր «Ս. Պետերբուրգսկիե վեդոմոստին», և այդ տեսակետից հատուկ շնորհակալությամբ պետք է հիշատակել Երևանի նահանգապետ կոմս Տիգենհաուզենին, Կարսի Տոմիշ, Թիֆլիսի իշխան Շերվաշիձե նահանգապետներին»⁴⁵։

Արևմտահայությանը օգնություն ցուցաբերելու կոչով իր ձայնը հնչեցրեց ռուսական ուղղափառ եկեղեցին՝ ռուսական հասարակությանն առաջարկելով հանգանակություն անել այդ նպատակով⁴⁶։ Հեռավոր հյուսիսից հնչեց Կրոնշտադտի վանքի վանահոր ձայնը՝ հօգուտ հայ գաղթականների⁴⁷, որը բարձր գնահատվեց երախտապարտ հայ ժողովրդի կողմից⁴⁸։ Նշանավոր եկեղեցական գործիչ, եպիսկոպոս Վլադիմիրը Վլադիկավկազում լույս տեսնող «Կապեկ» լրագրի խմբագրությանը հասցեագրած նամակում նշում էր. «Հանուն քրիստոնեական սիրտ, որ ավանդել է մեզ մեր հավատի հիմնադիրը... հայերին նվիրաբերում եմ 25 ռուբլի... Հույս ունեմ, որ Վլադիկավկազի և Թերեքի ժողովուրդը կօգնի սովյալներին ոչ թե խոսքով կամ լեզվով, այլ գործով ու ճշմարտությամբ»⁴⁹։

Ցարական կառավարության՝ գաղթականներին օգնություն ցույց տալու վերաբերյալ օրենքի հրապարակումից հետո ռուս հասարակայնությունը առավել մեծ սիրով ու ջերմությամբ ձեռնամուխ եղավ օգնության գործին։ «Հրամանագիրն ընդունվեց անսքող հրճվանքով ու սրտի բացահայտ թեթե-

³⁸ Նույն տեղում, թիվ 104։

³⁹ ՀՀ ԳԱԱ պատմության ինստիտուտի արխիվ, Լեոյի ֆոնդ, ց. 1, գ. 131, թ. 1։

³⁹ С. Петербургские ведомости, 1898, № 302.

³⁹ Նույն տեղում, 1897, թիվ 38, Մշակ, 1897, թիվ 6։

³⁷ Будущие устройства Армении по официальным дипломатическим документам Оранжевой книги, трактующие реформы в Армении, Петроград, 1915, с. 12—13.

³⁸ ՀՀ ԳԱԱ, ֆ. 256, ց. 1, գ. 1, թ. 1—2։

³⁹ Նույն տեղում, ֆ. 28, ց. 1, գ. 357, թ. 104։

⁴⁰ С. Петербургские ведомости, 1897, № 38.

⁴¹ Православный собеседник, 1897, кн. 8, с. 185.

⁴² С. Петербургские ведомости, 1896, № 237.

⁴³ Նույն տեղում, 1897, թիվ 2։

⁴⁴ Казбек, 1897, № 7.

վացմամբ», — գրում էր «Ս. Պետերբուրգսկիե վեդոմոստին»⁴⁵, իսկ լրագրի 1897 թ. թիվ 221-ում լույս տեսած «Հայ որբերը» հոդվածից հետո, որտեղ պատկերված էր գաղթական մանուկների թշվառ վիճակը, հետագա բոլոր համարներում տպագրվում էին հանգանակության ֆոնդին նյութական միջոցներ տրամադրողների ամբողջական ցուցակներ:

Ռուսաստանի ընդարձակածավալ տարածքի բոլոր մասերում ծավալվեց օգնության մարդասիրական գործը՝ գաղթականներին տրամադրվեցին դրամ, սննդամթերք, գործվածքեղեն: Օգնության գործը լավ կազմակերպելու համար «Ս. Պետերբուրգսկիե վեդոմոստին» լրագիրը առաջարկում էր տեղերում, իշխանության օրգաններին կից հեղինակավոր անձանցից կազմել մասնաժողովներ⁴⁶, կովկասում իշխանության տեղական մարմինները հայկական բարեգործական ընկերություններին սկզբնական շրջանում արգելում էին օգնել արևմտահայ գաղթականներին⁴⁷, սակայն կառավարության որոշումից հետո օգնության գործը ավելի կազմակերպված բնույթ ստացավ: «Թուրքիայից փախած գաղթականներին օգնելու համար», — գրում էր «Կավկազը», — կառավարչապետի օգնական իշխան Ամիրախվարին բարեհաճեց հրամայել.

ա) Թիֆլիսի ոստիկանապետին հանձնել 300 ռ.՝ ճաշարաններից գաղթականներին ձրի ճաշ տալու համար,

բ) Թիֆլիսի նահանգապետին՝ 500 ռ., գաղթականներին հագուստով օգնելու...»⁴⁸:

Միաժամանակ նախատեսվում էր գաղթականներին օգնելու համար տեղերում ստեղծել հանձնաժողովներ: Շուտով այդ նպատակի համար իշխան Շերվաշիձեն ստեղծեց հատուկ հանձնաժողով⁴⁹:

Արևմտահայության ազատագրական պայքարին համերաշխության ե ջարդերից փրկված գաղթականներին օգնության կոչով հանդես եկան Մոսկվայի բարձրագույն ուսումնական հաստատությունների առաջադեմ ուսանողները: Նրանք անհուն վշտով էին ընկալում 1895—96 թթ. Արևմտյան Հայաստանում հայ ժողովրդի տառապանքներից բարձրացող հառաչանքները, կարեկցում և իրենց համերաշխությունը հայտնում հայ ժողովրդի ազատագրական պայքարին: Անջրպետվելով արևմտահայության հանդեպ ամեն մի անբարյաղակամ դիրքորոշումից, ուսանող-երիտասարդությունը հայտնում էր. «Ոչ մի կապ չունենք այն ընթացքի հետ, որ բռնել են դեպի ձեր գործը մեր ընդհանուր թշնամիները, ազատության և առաջադիմության թշնամիները, որոնց համար կառավարությունը մի զենք է, իսկ ժողովուրդը, բացառյալ իրենց դասակարգի անձնավորությունները, շահագործման նյութ: Մեր բոլոր համակրանքը ձեր կողմն է, հանուն ազատության կռիվողների կողմը: Մեր զգացումները ալլապես էլ չեն կարող լինել, քանի որ մենք ևս կրում ենք նույնպես բռնակալության ճնշումը»⁵⁰:

Ռուս ուսանողները հայկական կոտորածների ամենաեռուն պահին, ջերմ վերաբերմունք արտահայտելով ազատաբաղձ հայ ժողովրդի նկատմամբ, համոզմունքով ընդգծում էին. «Մենք հավատացած ենք, որ մեր խոսքերի տակ կստորագրեն բաղում այն երիտասարդները, որոնք դուրս են եկել բանվորական դասակարգից, և կմիանան մեզ հետ մնացյալ մասի առաջադիմական տարրերը»⁵¹: Նրանց խոսքում անհողդող հավատ կար ազատագրական պայքարից ծնունդ առնող ազատ Ռուսաստանի և ազատ Հայաստանի պայ-

45 С. Петербургские ведомости, 1897, № 38.

46 Նույն տեղում:

47 ՀՀ ՊԿԱ, ֆ. 28, ց. 1, դ. 357, թ. 25:

48 Закавказье, 1905, № 97.

49 Մշակ, 1897, թիվ 19:

50 ՍՄԿԿ Կենտկոմին առընթեր մարքսիզմ-լենինիզմի ինստիտուտի հայկական մասնաճյուղի արխիվ, ֆ. 4083, ց. 1, դ. 1247, թ. 1:

51 Նույն տեղում, թ. 2:

ծառ ապագայի նկատմամբ: «Մենք այժմ իսկ պատրաստ ենք սիրով ողջունել այն ռուսները, — դրում էին նրանք, — երբ ձեռք-ձեռքի կտան ազատ Հայաստանի ու տզատ Մուսաստանի ուսանող երիտասարդները»⁵²:

Ուստի ժողովրդի լավագույն զավակները, իրենց ձայնը բարձրացնելով հօգուտ արևմտահայ գաղթականության, անհուն վշտով ու սրտի ցավով էին ներկայացնում թուրքական զազանությունների զոհ գնացած 300—350.000⁵³ անմեղ հայերին ու նրանց որբացած մանուկներին տարաբախտ, անհեռանկար վիճակը: Ինչ խոսք, այդ թվի մեջ չեն մտնում այն հազարավոր մարդիկ, որոնք անհետացան լեռների խորխորատներում, դետերի կամ ծովերի ջրերում խեղդվեցին, ցրվեցին օտար աշխարհներ:

Ռուսական հասարակության կողմից հայ գաղթականներին ցույց տրված օգնության մասին «Մշակ»ը գրում էր. «Այդ համակրելի ու զորեղ ձայնի հնչելը հայերի համար կրկնակի նշանակություն ունի: Այն կնպաստի ծայրահեղ թշվառության թեթևացմանը, որին ենթակա են այժմ 400.000 հալածականներ, և երկրորդ՝ դա մի փոքր կթեթևացնի ու մասամբ մոռացնել կտա այն ծանր տպավորությունը, որ ստեղծվել է ռուս մամուլի հայտնի բանակի անտեղի, անարդար և ատելության զգացումով ներշնչված հարձակումների հետևանքով»⁵⁴:

Արևմտահայությանը օգնություն ցուցաբերելը և Արևմտյան Հայաստանում թուրքական զազանություններին վերջ դնելու ձգտումը աստիճանաբար դառնում էր համաժողովրդական գործ: Ռուս ժողովրդի լավագույն զավակներ Վ. Գոլմստրեմը, Ն. Մառը, Մ. Վ. Նիկոլսկին, Յու. Վեսելովսկին, Վ. Բրյուսովը, Բ. Բոնինը, Վ. Ի. Գերյեն, Ա. Ն. Գրենը արևմտահայությանը օգնելու նպատակով 1896 թ. հրատարակեցին «Եղբայրական օգնություն թուրքական տուժած հայերին» ժողովածուն: Նրանք իրենց առջև խնդիր էին դրել. նախ՝ ուսական հասարակությանը ծանոթացնել հայ ժողովրդի բազմադարյան հարուստ պատմությանն ու մշակույթին, պարզաբանել քաղաքակրթության մեջ մեծ ավանդ ներդրած հայ ժողովրդի արևմտյան հատվածի տաճնապալից դրությունն ու օրհասական վիճակը, ապա՝ ժողովածուի վաճառքից ստացված գումարը տրամադրել արևմտահայության օգնության ֆոնդին:

Ժողովածուն ստեղծելու դժվարին, միաժամանակ շնորհակալ աշխատանքի ու նրա հետապնդած նպատակների մասին «Ռուսակոյն բողոքատովուն» գրում էր. «Ռուս հրապարակախոսների, գիտնականների, գրականագետների ջանքերով ու լուսավորչալ կարեկցանքի շնորհիվ լուրջ խոշորագույն առկայության պայմաններում էջ առ էջ ստեղծվեց այն գրական ատաղձը, որը կազմեց հայերի դրության վրա լույս սփռող «Եղբայրական օգնության» 1000 էջանոց վիթխարի հատորը:

Բարեբախտաբար գտնվեցին բավականաչափ անկողմնակալ ու բարի մարդիկ, որոնք, շնայած տգիտության ու քինախնդրության հետևանքով հայերի մասին առատորեն տարածվող չարամիտ մեղադրանքներին, օգնության ձեռք մեկնեցին 50.000 որբերին»⁵⁵:

Ժողովածուի մասին ջերմ հոգված գրեց է. Ուխտովսկին: «Ռուսական հասարակությանը հայերի հետ ծանոթացնելու նպատակով, — գրում էր նա, — գրքում բերված են մի շարք հոգվածներ այդ ժողովրդի կյանքի տարբեր կողմերի, նրա պատմության, գրականության, Ռուսաստանի համար նրա նշանակության մասին»⁵⁶: Ժողովածուի ճաշակով ձևավորումը և հայկական կյանքից վերցված համապատասխան լուսանկարների օգտագործումը ապահովում էին նրա հաջողությունը: «Գիրքը տալիս է դեպի մահմեդական Գող-

⁵² Նույն տեղում:

⁵³ Жизнь и искусство, Киев, 1897, № 58.

⁵⁴ Մշակ, 1897, թիվ 1:

⁵⁵ Русское богатство, 1897, № 10.

⁵⁶ С. Петербургские ведомости, 1897, № 272.

գոթա հայկական «խաչելության» ճանապարհի ցնցող պատկերը,—գրում էր Վլ. Գոլմստրեմը։—Հանդարտ տխրություն, մեծ վիշտ, շարտահայտված թախիծ էր թաքնված այդ ժողովածուում»⁵⁷։

Հասարակության վրա ժողովածուի ակտիվ ներգործության մասին «Մշակը» գրում էր. «Հայ որբերին ներկայացնող լուսանկարներից նայում են մանուկներ... ցնցոտիները հաղիվ են ծածկում մահմեդական ֆանատիզմի գոհերի բազմաշարար մարմինը։ Բոբիկ, գլխաբաց փոքրիկները ձեռքերը սեղմել են կրծքներին և երկյուղ արտահայտող դեմքերով կպել են իրենց դժբախտ մոր փեշերից և նայում են։ Այդ հայացքները քարեր կճաքեցնեն և վազրի աչքերից անգամ արտասուք կթամեն»⁵⁸։

Նույն նպատակներով հրատարակվեց նաև «Հայերի դրությունը Թուրքիայում մինչև տերությունների միջամտությունը 1895 թ.» ժողովածուն՝ պրոֆ. Լ. Կոմարովսկու առաջաբանով, որի մասին դրվատանքի շերմ տողեր գրեց «Միր բոժի» ամսագիրը⁵⁹։

Երկու ժողովածուներն էլ սպառվեցին շատ արագ։ Վաճառքը իրացրեցին կենտրոնական և գավառային պարբերականների խմբագրությունները։ «Տիֆլիսսկի լիստոկ»-ը նշում էր, որ չնայած ժողովածուները թանկարժեք էին, գնորդները այն տանում էին անտրտունջ և բավաճանությամբ, քաջ գիտակցելով այն բանը, որ իրենք դրանով որոշակի օգնություն են ցույց տալիս չարքաշ արևմտահայերին⁶⁰։ «Եղբայրական օգնություն» խմբագրությունը, նկատի ունենալով ժողովածուի արագ սպառումը, վճռեց վերահրատարակել, որը շուտով իրականացվեց։ Մինչ հրատարակումը խմբագրությունը ռուս մտավորականներից ստացավ նյութական մեծ օժանդակություն, որին առաջիններից մեկը արձագանքեց վանահայր Ի. Ս. Կրոնշտադսկին⁶¹։ Վերահրատարակությունից կուտակված մի պատկանելի գումար «Եղբայրական օգնության» խմբագրությունն ուղարկեց Կ. Պոլիս՝ արևմտահայությանը օգնության նպատակով⁶²։ Կ. Պոլսում Ռուսաստանի դեսպան Ա. Ի. Զինովևի և հայոց պատրիարքի ձեռնբեղմնությամբ հիմնվեց առաջին ապաստարանը հայ որբերի համար⁶³։

Ժողովածուի խմբագիր Գր. Ա. Զանշիկը «Ս. Պետերբուրգսկի վեդոմոստի» լրագրին հղած նամակում գրում էր. «Եղբայրական օգնության» խմբագրությունը տարբեր ժամանակներում ռուսական դեսպանության միջոցով տուժածներին 13140 ռ. 65 կոպ. չափով նպաստներ ուղարկելուն ղուգրնթաց, ուղարկել է ևս 5000 ռուբլի՝ մշտական որբանոցներ հիմնելու համար։ Նկատի ունենալով, որ հայոց պատրիարքի հաշվումներով մեկ որբի վրա կծախսվի մոտավորապես 50 ռուբլի, խմբագրությունն ուղարկել է 50.000 ռուբլի՝ 25 որբերին չորս տարի պահելու համար։ Ինչպես երևում է խմբագրությունում ռուսական կայսերական դեսպանությունից ստացված պաշտոնական ծանուցագրից, պ. դեսպան Դ. Գ.-ն, խորհրդական Ի. Ա. Զինովևը լիակատար համակրանքով են վերաբերվել որբանոցներ հիմնելու մտքին, և պատրիարքի համաձայնությամբ որոշված է առաջին որբանոցը բացել Դիարբեքի Վիլայեթի Բալու քաղաքում։ Որբանոցն ստացել է հետևյալ պաշտոնական անվանումը. «Հայ-ռուսական որբանոց՝ հիմնված «Եղբայրական օգնություն» Թուրքիայում տուժած հայերին» մոսկովյան ժողովածուի խմբագրության արված նվիրատվությունների միջոցով»⁶⁴։

⁵⁷ Вл. Гольмстрем, Распятие (С. Петербургские ведомости, 1897, № 184).

⁵⁸ Մշակ, 1897, թիվ 46։

⁵⁹ Мир божий, 1898, № 302.

⁶⁰ Тифлисский листок, 1897, № 339.

⁶¹ С. Петербургские ведомости, 1897, № 302.

⁶² Мир божий, 1898, кн. I. с. 2.

⁶³ Մշակ, 1898, թիվ 203։

⁶⁴ С. Петербургские ведомости, 1898, № 302.

Ապաստարաններ բացվեցին Վանում, Մուշում, Էրզրումում: Շուտով և. Պոլսում բացվեց աղքիկ որբերի համար 8-րդ ապաստարանը⁶⁵: «Բրատսկայա պոմոշչ»-ի խմբագրությունը արևմտահայ սովյալներին տրամադրեց 5000 ռուբլի⁶⁶: Այդ նպատակով որոշակի գումար ուղարկվեց Ի. Ա. Զինովևին՝ «Ռուսսկայա վեդոմոստի» խմբագրության կողմից⁶⁷: Արևմտյան Հայաստանում որբերին խնամելու և կոտորածներից տուժածներին օգնություն ցույց տալու նպատակով ապաստարաններ հիմնվեցին մեծ իշխանուհի Ելիզավետա Ֆյոդորովնայի, Վ. Միխայլովսկու և այլ բարձրաստիճան ծագում ունեցող անձանց դրամական նվիրատվություններով⁶⁸: «Եղբայրական օգնության» ապաստարաններ բացվեցին նաև Երևանում⁶⁹:

«Ս. Պետերբուրգսկի վեդոմոստի», «Մշակ», «Ռուսսկի վեդոմոստի», «Նովոյե օբոդրենիե», Տոմսկում հրապարակվող «Միբրսկի վեստնիկ» լրագրի խմբագրություններին կից կազմակերպված օգնության հանգանակությունների հավաքման գրասենյակներում ամեն օր Ռուսաստանի տարբեր ծայրերից ստացվում էին նվիրատվություններ, որոնք ուղարկվում էին տեղական իշխանություններին՝ համապատասխան նպատակով իրացնելու համար: Նըշված թերթերի խմբագրությունները պարբերաբար հաշվետվություններ էին հրապարակում ստացված գումարի և նվիրատուների մասին: Օրինակ, «Միբրսկի վեստնիկ» խմբագրությունը այդ մասին գրում էր. «Մեր խմբագրությունը Պ. Գորենկուից ստացել է 12 ռուբլի՝ հոգևոր տուժած թուրքահայերի: Դրա հետ միասին, նվիրատուն խնդրում է մեզ հրավեր կարգալ ընթերցողներին՝ հայերին օգնելու մասին»⁷⁰:

Արևմտահայերին օգնություն ցույց տալու նպատակով հանգանակություն սկսվեց Սամարղանդում, որին մեծ օգնություն ցույց տվեց նահանգապետ կոմս Ռոստովցևը: Նա այնուհետև թուլյատրեց ոստիկանությանը հանգանակություն բացել ողջ Թուրքեստանում⁷¹: Կովկասում գաղթականներին օգնության նպատակով կազմակերպված հանձնաժողովը խոշոր դրամական միջոցներ ստացավ հեռավոր Սախալինից⁷², Մոսկվայից և Աստրախանից՝ սննդամթերք ու հագուստներ⁷³: Մոսկվայի բնակիչների կողմից Կաղզվանում գտնվող դաղթականներին ուղարկվեց 300 ռուբլի⁷⁴: Օգնության գործին ակտիվ ասանակցություն էին ցուցաբերում նաև զինվորականներն ու պետական պաշտոնյաները⁷⁵:

«Ռուսսկի վեդոմոստի» լրագիրը տեղեկացնում էր ռուս արվեստի ու դրականության առաջադեմ ներկայացուցիչների կողմից տրված օգնության մասին⁷⁶:

Կովկասի իշխանությունները երկրի տարբեր ծայրերից գրեթե ամեն օր ստանում էին օգնության համար դրամական միջոցներ և սննդամթերք⁷⁷: «Ռուսսկի վեդոմոստի», «Ս. Պետերբուրգսկի վեդոմոստի», «Նովոյե օբոդրենիե» լրագրերի խմբագրությունների միջոցով գաղթականներին օգնող

⁶⁵ Նույն տեղում, 1900, թիվ 32:

⁶⁶ Նույն տեղում, 1900, թիվ 107:

⁶⁷ ՀՀ ԳԱԱ պատմության ինստիտուտի արխիվ, Լեռնի ֆոնդ, ց. 7, գ. 141, թ. 1:

⁶⁸ Մշակ, 1898, թիվ 236:

⁶⁹ ՀՀ ՊՊԿԱ, ֆ. 50, ց. 1, գ. 1, թ. 1:

⁷⁰ Сибирский вестник, 1897, № 17:

⁷¹ Մշակ, 1897, թիվ 13:

⁷² Մշակ, 1897, թիվ 2:

⁷³ Մշակ, 1897, թիվ 6:

⁷⁴ Մշակ, 1897, թիվ 2:

⁷⁵ Մշակ, 1897, թիվ 3:

⁷⁶ Русские ведомости. 1896, № 359:

⁷⁷ ՀՀ ԳԱԱ պատմության ինստիտուտի արխիվ, Լեռնի ֆ. ց. 1, գ. 262, թ. 12:

հանձնաժողովներին հանձնվեց պատկառելի զուամար⁷⁸, Արխանգելսկի նահանգի Շենկարսկ գյուղի համայնքի ժողովը, որոշակի զուամար տրամադրելով, առաջարկում էր կառավարությունից պահանջել միջոցներ գործադրել կոտորածները դադարեցնելու համար:

Վոլինսկի նահանգի պետական ու հասարակական հիմնարկների ծառայողները տրամադրեցին 145 ռուբլի, Պոլտավայի նահանգի լոպսիցկի և Կրեմենչուկ քաղաքների բնակիչները՝ 697 ռ., Յարոսլավլի նահանգի գյուղական համայնքներից մեկի կողմից ստացվեց 207 ռ. 96 կ., Օրենբուրգի նահանգից՝ 40 ռ. 76 կ., Կուրսկի նահանգից՝ 100 ռ. 48 կոպ., Վլադիմիրի նահանգի Սուդոգոբ քաղաքի բնակիչներից՝ 9 ռ. 73 կ., Բախմուտի քաղաքացիներից՝ 175 ռ. 70 կ., Լոձի քաղաքացիներից՝ 75 ռ., Ստարայա ռուս քաղաքի արհեստավորներից՝ 75 ռ.⁷⁹, Կարսի քաղաքացիներից՝ 300 ռուբլի⁸⁰ և այլն:

1897 թ. փետրվարի 13-ին Տավրիկյան նահանգապետը հրամանագիր հրապարակեց ողջ նահանգում գաղթականների համար հանգանակություն սկսելու մասին⁸¹, Շուտով Տավրիկյան նահանգի բնակչությունից 3.597 ռ. 36 կ. ուղարկվեց Կովկասի իշխանություններին⁸²:

Հանգանակության գործը ավելի աշխուժացավ: 1897 թ. ամռանը և աշնանը Ռոստովում, Կրեմենչուկում, Նոր Նախիջևանում, որին ակտիվ մասնակցություն ցուցաբերեցին և՛ գյուղական, և՛ քաղաքային բնակիչները⁸³, Օգնության ֆոնդին ներդրում կատարեցին նաև Սմոլենսկի նահանգի Ռուդավլ քաղաքի ոստիկանական առաջին և երկրորդ գնդերը, Զապորոժիեի, Կամենսկոյե-Նկատերինսկյան երկաթուղագծի բանվորները, Սամարայի, Վոլոգդայի նահանգի և Կուբանի մարզի բնակչությունը⁸⁴:

Հայ գաղթականներին հագուստեղենով ապահովելու նպատակով Յարոսլավլի մեծ մանուֆակտուրայի աշխատակիցները տրամադրեցին 4890 արշին կտորեղեն⁸⁵, իսկ Կոնդրովսկյան մանածագործական մանուֆակտուրայի բանվորները հատկացրին 350 ռ.⁸⁶, Կուրանի մարզի մանուֆակտուրաները՝ 9 փութ կշիռ ունեցող կտորեղեն⁸⁷: 1897 թ. հունվարի 11-ին Կրասնոդարի բնակիչները «Նադեժդա» գրասենյակի միջոցով հագուստեղեն, ինչպես նաև նյութական այլ միջոցներ տրամադրեցին գաղթականներին⁸⁸, Պատկառելի զուամար տրամադրեցին Դոնի (Донской), Ազովի (Азовский և Учетный) բանկերը⁸⁹:

1897—98 թթ. Արևմտյան Հայաստանում անբերրիության հետևանքով տարածված սովի ժամանակ արևմտահայությանը նյութական օգնություն ցույց տալու նպատակով կրկին սկսվեց հանգանակության հավաքման գործը⁹⁰, իշխանությունները թույլ տվեցին մի շարք շրջաններում հիմնելու բերեգործական ընկերություններ⁹¹, ինչպես նաև փոխատու դրամարկղներ⁹²:

78 ՀՀ ՊՊԿԱ, ֆ. 28, ց. 1, գ. 357, թ. 41, 75, 118.

79 С. Петербургские ведомости, 1897, № 110.

80 Карс, 1896, № 2.

81 Մշակ, 1897, թիվ 22.

82 С. Петербургские ведомости, 1897, № 110.

83 Մշակ, 1897, թիվ 24.

84 Братская помощь пострадавшим в Турции армянам, М., 1899, с. 4.

85 Նույն տեղում, էջ 14.

86 С. Петербургские ведомости, 1897, № 110.

87 Նույն տեղում.

88 ՀՀ ՊՊԿԱ, ֆ. 28, ց. 1, գ. 357, թ. 124.

89 Մշակ, 1897, թիվ 24.

90 ՀՀ ՊՊԿԱ, ֆ. 821, ց. 139, գ. 28, թ. 11.

91 Закавказье, 1908, № 75.

92 Մշակ, 1896, թիվ 109.

Դաղթականությանը օգնության ձեռք մեկնեցին Անդրկովկասի բազմազգ ժողովուրդների ներկայացուցիչները՝ վրացիները, ռուսները, ադրբեջանցիները, հույները⁹³։

Կարսում գաղթականներին օգնություն ցույց տվեցին «Սովորողներին օժանդակող ընկերության կոմիտեի» անդամները⁹⁴։ Այդ օգնությունը այնքան ակնբախ էր, որ 1898 թ. մայիսի 12-ին ընկերության հերթական նիստում երախտագիտության խոսք ասվեց ընկերության նախագահին, ինչպես նյութական, այնպես էլ հայ մանուկների ուսման հարցում ցույց տված օգնության համար⁹⁵։

Ռուսական կայսրության երկու խոշոր կենտրոնների՝ Մոսկվայի և Պետերբուրգի առաջադեմ հասարակության ներկայացուցիչներն աշխատում էին բազմատանջ հայ ժողովրդին ռուս ժողովրդի նյութական և բարոյական օգնությունը ավելի ընդարձակել ու դրան առավել կազմակերպված բնույթ տալ։ Այդ մասին «Լուչը» գրում էր. «Պետերբուրգում նախատեսվում է հիմնել ռուս-հայկական ընկերություն, այդ ընկերության նպատակը պետք է լինի ուսումնասիրել հայ ժողովրդի անցյալը և ներկա կյանքը, պաշտպանել հայերին իրանց դեմ անարդար հարձակումներից, օգնել ազատ, տաղանդավոր հայերին, ռուս ընթերցող հասարակության մեջ տարածել կարևոր տեղեկություններ հայերի մասին»⁹⁶։ Նման ընկերություն կազմակերպելու աշխատանքներ էին սկսվել նաև Մոսկվայում, որտեղ արևմտահայությանը նյութական օգնություն ցույց տալու գործին ձեռնամուխ եղավ Մոսկվայի քաղաքային դոման։ 1897 թ. հունվարի 20-ին, դոմայի նիստում Մոսկվայի գեներալ-նահանգապետի առաջարկությամբ որոշվում է հանգանակություն սկսել⁹⁷։

Կայսրության երկու մայրաքաղաքների բնակչության հանդես բերած այդ նախաձեռնությունը բարձր է գնահատել օգնության և պաշտպանության կարող հայ ժողովուրդը։ «Մշակը», նկատի ունենալով Պետերբուրգում կազմակերպվող «Հայ-ռուսական» ընկերությանը նշում էր. «Այդ ցանկալի է, մանավանդ այժմ, ներկա պայմաններում, երբ խավարի որդիք, քաղաքական և գրական աֆերիստները ձեռք-ձեռքի տված ձգտում են ռուսաց մեծ ազգի մեջ ատելություն սերմանել դեպի փոքրիկ հայ ազգությունը և վերջնականապես խզել այն կապը, որով շաղկապված է հայոց փոքրիկ, բայց կուլտուրական համայնքը քաղաքակրթության կողմնակից ռուս տարրի հետ»⁹⁸։ Դրվատելով Մոսկվայի քաղաքային դոմայի՝ հայ ժողովրդի օգնության գործը կազմակերպելու նախաձեռնությունը, «Մշակը» գրում էր. «Դա մի բարոյական պարտ է, որ փորձում է կատարել Ռուսաստանի հին մայրաքաղաքի ինքնավարական մարմինը, և հույս ունենք, որ Մոսկվայի տված օրինակը հետևվողներ կգտնի Ռուսաստանի մյուս քաղաքներում»⁹⁹։

Ռուս սիրողական արվեստի ներկայացուցիչներն իրենց արվեստը ծառայեցրին հայ գաղթականների օգնության գործին։ Վլադիկավկազում գործող թատերական խմբերը դերասաններ Պ. Նիկոլինի և Ա. Ա. Վոլսկու ղեկավարությամբ տվեցին ներկայացումներ։ Պ. Նիկոլինի խումբը ներկայացրեց «Բազեններ ու ագռավներ» դրաման և «Լուսնուն» վոդեվիլը։ Այդ ներկայացումներից ստացված գումարը՝ մոտ 600 ռ., հատկացվեց հայերի օգնության ֆոնդին¹⁰⁰։ Ա. Ա. Վոլսկու խումբը օգնության ֆոնդին նվիրաբերեց

⁹³ Նույն տեղում, թիվ 3, 43, նաև 1898, թիվ 2։

⁹⁴ Карс, 1897, № 16.

⁹⁵ Карс, 1897, № 20.

⁹⁶ Մշակ, 1897, թիվ 33։

⁹⁷ Русские ведомости, 1897, № 23.

⁹⁸ Մշակ, 1897, թիվ 33։

⁹⁹ Մշակ, 1897, թիվ 12։

¹⁰⁰ Նույն տեղում, թիվ 13, նաև Русское слово, 1896, № 14։

351 ռ.¹⁰¹, իսկ Թերեքի մարզի սիրողական դերասանական խումբը՝ 403 ռ. 50 կ.¹⁰², Իշխանուհի Նդիսարեթ Ծերեթելու ղեկավարությամբ Սուխումում վրացի և ռուս թատերասերները ներկայացրեցին «Մադկեփունջ» վոդևիլը և երկու դրամա, որոնցից ստացված դումարը հատկացվեց օգնության ֆոնդին¹⁰³, Ալեքսանդրապոլում թատերական ներկայացումներից գոյացած գումարը իրացնելու նպատակով գավառապետը հատուկ թույլտվություն ստացավ նահանգային իշխանությունից: «Մեր գավառապետը, — դրում էին «Մշակին» Ալեքսանդրապոլից, — նահանգական կառավարությունից թույլտվություն է խնդրել, որպեսզի այս փողերը (մոտ 2000 ռ.) ղործածվեն մեր քաղաքում գտնվող գաղթականների համար»¹⁰⁴: Կովկասյան բանակի 155-րդ հետևակային գնդի զինվորներն իրենց կազմակերպած թատերական ներկայացումից ստացված դումարը հատկացրին արևմտահայերի օգնության ֆոնդին¹⁰⁵, Ստավրոպոլի ռուս մտավորականության ներկայացուցիչները կազմակերպեցին պարահանդես և ձեռք բերած գումարը նվիրեցին օգնության ֆոնդին¹⁰⁶: Նույնպիսի նախաձեռնություն հանդես բերեցին Պյատիգորսկի ռուս թատերասերների խումբը¹⁰⁷, Մարկով հղբայրների կրկեսային շրջիկ խումբը¹⁰⁸, Աննա Ուլյանովայի խումբը¹⁰⁹ և ուրիշները:

Ռուսական հասարակայնության հոգատար և կարեկից վերաբերմունքը երախտագիտության արձագանքներ էր առաջացնում հայ ժողովրդի հոգում: Վրաստանի պատմության արխիվում պահպանվել է մի խումբ արևմտահայերի կողմից «Գոլոս» լրագրին հղած նամակը, որտեղ նշված է. «Մի բուռ բազմաշարժար ժողովուրդը, ի դեմս մեզ, էրզրումի հայերիս, ձեզ է հայտնում երախտագիտության անսահման զգացումը՝ արդարության խոսքի ու պաշտպանության համար, որը դուք բոլորդ մեծ խանդավառությամբ արտահայտում եք «Գոլոսի» էջերում: Թերթը շատ զգայուն է օսմանյան կիսալուսնի լծի տակ հեծող մեր ազգի ձայնի նկատմամբ: Դարեր ճնշված մեր ժողովուրդը երախտագիտության արցունքներ է հեղում»¹¹⁰:

Ղրիմում ապաստանած հայ գաղթականներն իրենց սրտի խոսքն էին հղում ռուս մտավորականության ներկայացուցիչներին, ի դեմս նրանց, երախտագիտություն հայտնում ռուս մեծ ժողովրդին: «Մեր հայացքներն ու ավերված հայրենիքում մեր հարազատ հղբայրների ու քույրերի հույսերը, — բռնում էին հայ գաղթականները, — ուղղված են դեպի հյուսիս: Ձեզանից ու Ձեր մեծահոգի ու մարդասեր, ինտելիգենտ աշխատակիցներից, ռուս հղբայրներից, բարեսիրտ Ռուսաստանից ենք սպասում իսկական հղբայրական օգնություն, յէ՛ որ միայն հզոր Ռուսաստանի ձեռքի շարժումով մեր տարաբախտ հայրենիքում (Արևելյան Հայաստանում — Պ. Ս.) հաստատվեց արտաքին խաղաղություն և հանգստություն»¹¹¹:

«Նղբայրական օգնություն» ժողովածուի հրապարակման մարդասիրական նպատակները նկատի ունենալով, նրա խմբագիր Գր. Ա. Զանյիկի միտքով հա՛յ գաղթականներն իրենց շնորհակալական խոսքն ուղղեցին ռուս մտավորականությանը: «Պատվի գիտակցմամբ և Saum Guig-ի կանոնի հա-

¹⁰¹ С. Петербургские ведомости, 1897, № 110.

¹⁰² Նույն տեղում:

¹⁰³ Մշակ, 1897, թիվ 24:

¹⁰⁴ Նույն տեղում, թիվ 6:

¹⁰⁵ Карс, 1899, թիվ 11:

¹⁰⁶ Մշակ, 1897, թիվ 24:

¹⁰⁷ Մշակ, 1897, թիվ 21:

¹⁰⁸ Մշակ, 1897, թիվ 22:

¹⁰⁹ Մշակ, 1897, թիվ 13:

¹¹⁰ Լեռներումը տե՛ս III. В. Мекрелидзе, Закавказье в русско-турецкой войне. 1877—1878 гг., Тбилиси, 1972, с. 280.

¹¹¹ Мир божий, 1899, кн. 9, с. 21.

մաձայն, — գրում էր Գր. Զանշիկը, — ես ինձ վրա եմ վերցնում այդ խորապես զգացմունքային ողջունները ըստ պատկանելության հաղորդելու հաճելի պարտականությունը ողու մտավորականությանը և բոլոր բարի մարդկանց, որոնք արձագանքեցին բաղձալարչար հայերի անսահման դժբախտություններին»¹¹²։

Այսպիսով, ողու առաջադեմ մտավորականությունը և ժողովրդական աշխատավորական խավերը, խորապես մտահոգված լինելով բաղձալարչար արևմտահայության ճակատագրով, բարոյական ու նյութական բաղձակողմանի օգնություն ցույց տվեցին Թուրքիայում XIX դ. 90-ական թվականներին տեղի ունեցած հայկական կոտորածների հետևանքով Ռուսաստանի սահմաններն անցած, մազապուրծ արևմտահայ գաղթականներին՝ իրենց համակրանքն ու համերաշխությունը հայտնելով արևմտահայության գոյապահպանության գործին։

ПОМОЩЬ РОССИИ ЗАПАДНОАРМЯНСКИМ БЕЖЕНЦАМ (1895—1900)

П. С. СИМОНЯН

Резюме

Кровавые события 90-х годов XIX в., имевшие место в Западной Армении, были первым массовым проявлением программы армянского геноцида, принятой турецким правительством. Турецкое правительство поставило перед собой задачу — уничтожить армянский народ, оставить страну без коренного населения и на турецкий лад решить «Армянский вопрос» — пет народа — пет проблемы.

Тысячи западных армян покинули свою многовековую родину и переселились в разные страны, прежде всего в Россию, которая на протяжении многих веков являлась пристанищем для армянского народа.

Несмотря на то, что в 90-х гг. XIX в. царская Россия имела особые военно-политические интересы на Ближнем Востоке, в «Армянском вопросе» она придерживалась нового направления, в результате чего ввела ограничения и запрет на расселение чудом спасшихся от ятагана западных армян в пределах Российской империи. Однако широкие слои русского народа, все его социальные прослойки оказали всестороннюю материальную и моральную помощь армянским беженцам. Дело помощи возглавляла передовая русская интеллигенция.